



AURSTAD AS  
Torvmyrane 31  
6160 HOVDEBYGDA

Saksbehandlar, innvalstelefon, epost  
Lisa Thorstensen, 71 25 84 56,  
fmmrlith@statsforvalteren.no

## Overføring av løyve frå K.A. Aurstad AS til Aurstad Tunnel AS

Fylkesmannen viser til søknad motteke 16.11.2020 om overføring av løyve 2018.0353.T til mottak, mellomlagring og knusing av returasfalt og returbetong for K. A. Aurstad AS til Aurstad Tunnel AS. K. A. Aurstad gjekk konkurs i 2018 og ynskjer å overføre til si nye bedrift Aurstad Tunnel AS.

### Vedtak om overføring av løyve

Statsforvaltaren endrar løyve 2018.0353.T slik at Aurstad Tunnel AS som er innehavar av løyve. Ingen vilkår er endra. Vedtaket er heimla etter forureiningslova § 18.

### Varsel om gebyr

Vi viser vi til forureiningsforskrifta kapittel 39 om gebyr til statskassen for Statsforvaltarens arbeid med løyver mv. Vi varslar at gebyrsats 9 (lågaste sats) vil vi vedtatt. Sats 9 utgjør kroner 6 800. Eventuelle kommentarar til varselet om fastsetting av gebyrsats skal sendast til Statsforvaltaren i Møre og Romsdal innan 2 veker, jf. forvaltningslova § 16. Vedtak om gebyr vil bli fatta før utsending av faktura, og vedtaket vil kunne påklagast.

### Klageadgang

Vedtaket om overføring av løyve kan påklagast av sakens parter eller andre med rettsleg klageinteresse til Miljødirektoratet innan 3 veker. En eventuell klage skal sendast til Statsforvaltaren i Møre og Romsdal. Klagen bør grunnast, og andre opplysningar av betydning for saken bør nemnast. Klagen skal sendast til Statsforvaltaren i Møre og Romsdal.

Endra løyve er vedlagt. Kopi er sendt til Volda kommune.

Med helsing

Christian Dahl (e.f.)  
fagleder

Lisa Thorstensen  
overingeniør

*Dokumentet er elektronisk godkjent*



Vedlegg:

1 Løyve - Aurstad Tunnel AS

**Kopi til:**

**Volda kommune Stormyra 2 6100 VOLDA**



# Statsforvaltaren i Møre og Romsdal

## Løyve til mottak, mellomlagring og knusing av returasfalt og returbetong for Aurstad Tunnel AS på Greifsneset i Volda kommune

Løyvet er gitt i medhald av lov av 13.3.1981 om vern mot forureiningar og om avfall (forureiningslova) § 11 jf. § 29. Det er sett vilkår etter forureiningslova § 16.

Løyvet gjeld frå dags dato, men kan først takast i bruk frå den datoen anleggsaktiviteten er i samsvar med vedtatt plan etter plan- og bygningslova eller kommunen har gitt vedtak om dispensasjon frå gjeldande plan.

Dersom bedrifta ønskjer endringar i drifta som kan ha betydning for miljøet, må dette avklarast skriftleg med Statsforvaltaren i Møre og Romsdal.

### Data om bedrifta:

Bedrift	<b>Aurstad Tunnel AS</b>		
Anlegget si plassering/gateadresse	Greifsneset i Volda		
Bedrifta si postadresse	Torvmyrane 31, 6160 Hovdebygda		
Kommune for anlegget	Volda		
Organisasjonsnummer (bedrift)	991 15 433		
Euref 89, UTM sone 32	nord: 6890688 aust: 349100		
Gards- og bruksnummer	Gnr. 31 bnr. 1		
NACE-kode og bransje	42130 Bygging av bruer og tunnelar		
NOSE-kode(r)	109 Behandling og disponering av avfall		
Saksnummer	Anleggsnummer	Løyvenummer	Risikoklasse <sup>1</sup>
2017/7792	1519.0076.01	2018.0353.T	4

Løyve gitt: 30.04.2018	Endringsnummer: 1	Sist endra: 13.01.2021
Christian Dahl fagleiar	Lisa Thorstensen overingeniør	
<i>Dokumentet er elektronisk godkjent og har ingen signatur</i>		

<sup>1</sup> Risikoklassen har betydning for forureiningsmyndigheita sin frekvens for planlagte tilsyn med verksemda.

## Endringslogg

<b>Endringsnummer</b>	<b>Endringer av</b>	<b>Punkt</b>	<b>Beskrivelse</b>
1	13.01.2021		Lagt inn endringslogg
			Endra føretak ansvarlig for løyve
			Oppdatert embetsnamn og mindre skrivefeil

## **1 Rammer for løyvet**

Løyvet gjeld mottak, mellomlagring og knusing av returasfalt og returbetong. Løyvet omfattar eit årleg mottak på inntil:

- **2 000 tonn returasfalt**
- **2 000 tonn returbetong**

Returasfalten og returbetongen kan lagrast i **inntil 1 år**.

Løyvet omfattar berre rein asfalt og betong. Forureina asfalt og forureina betong skal avisast frå anlegget. Unntaket er armeringsjern i betong. Det er ikkje tillate å ta imot og mellomlagre andre avfallstypar enn dei som er nemnde over.

Verksemda skal vere knytt til Kontrollordningen For Asfaltgjenvinning.

### **1.1 Krav til mottaket**

Det skal vere ein driftsplan med driftsinstruks for anlegget.

All returasfalt og returbetong som blir tatt imot, skal kontrollerast og loggførast med informasjon om opphav.

For å sikre at det i vidare produksjon berre blir nytta reine asfaltprodukt som er fri for tjæreprodukt, skal det angjevast kvar returasfalten kjem frå. Mellomlagring av tjærehaldig asfalt på området er ikkje tillate. Dersom det oppstår mistanke om at mottatt asfalt likevel kan innehalde tjære, skal asfalten oppbevarast separat på fast dekke under tak inntil prøvetaking er gjennomført og vidare disponering er avklart. Asfalt som er eldre en 1970 og inneheld penetrert pukk, impregnert grus eller anna overflatebehandling, skal testast for innhald av tjære.

Det må kontrollerast at betongen som blir mottatt, er rein. Det vil seie at den ikkje skal innehalde maling eller fugemasse, og at betong og eventuell murpuss ikkje skal innehalde forureiningar. Dokumentasjon frå avfallsprodusenten på at betongen ikkje inneheld forureiningar, må ligge føre før massane blir slopane inn på anlegget. Armering skal fjernast før vidarelevering.

### **1.2 Lagringsstad**

Lageret av returasfalt og returbetong skal plasserast slik at eventuell avrenning til fjorden blir minimert. Plasseringa skal også vere slik at sannsynet blir så lite som mogleg for at materiale frå lageret kan hamne i sjøen.

### **1.3 Kunnskap om avfall**

Bedrifta skal ha tilstrekkeleg kunnskap om avfallet til å kunne behandle og lagre mottatt avfall, slik at det ikkje fører til at miljøet blir dårlegare.

### **1.4 Informasjon til kundar**

Verksemda skal gi kundane forsvarleg informasjon med omsyn til kva typar avfall som det er tillate å levere til anlegget.

## 2 Avfall

Bedrifta skal i størst mogleg grad minimere danning av avfall som følgje av si verksemd.

Forureiningsmyndigheitene anbefaler generelt at brukt asfalt blir brukt i produksjon av ny asfalt. Returasfalt kan også nyttiggjerast som erstatning for rein asfalt som underlag for ny asfalt. Betongavfall må disponerast i tråd med Miljødirektoratet sitt faktaark M-14/2013 inntil ei sentral forskrift blir vedtatt.

## 3 Internkontroll

Bedrifta har plikt til å ha eit internkontrollsystem som er oppdatert til ei kvar tid.

## 4 Støv

For å unngå støvproblem i nærmiljøet, skal vegar og plassar gjerast reine regelmessig, eller andre støvreduserande tiltak skal settast i verk.

## 5 Støy

Bedrifta sitt bidrag til utandørs støy ved omkringliggende bustader, sjukehus, pleieinstitusjonar, fritidsbustader, utdanningsinstitusjonar, barnehagar og rekreasjonsområde skal ikkje overskride følgjande grenser, målt eller berekna som frittfeltverdi ved mest støyutsette fasade:

Kvardagar	Laurdagar	Søn- og heilagdagar	Kveld (kl. 19-23), kvardagar	Natt (kl. 23-07), alle døgn	Natt (kl. 23-07), alle døgn
55 $L_{den}$	50 $L_{den}$	45 $L_{den}$	50 $L_{evening}$	45 $L_{night}$	60 $L_{AFmax}$

$L_{den}$  er A-vegd ekvivalent støynivå for dag/kveld/natt med 10 dB/5 dB tillegg på natt/kveld.

$L_{evening}$  er A-vegd ekvivalent støynivå for kveldsperioden 23-07.

$L_{night}$  er A-vegd ekvivalent støynivå for nattperioden 23-07.

$L_{AFmax}$  er A-vegd maksimalnivå for dei 5-10 mest støyande hendingane i perioden, målt/berekna med tidskonstant "Fast" på 125 ms.

Alle støygrenser skal overhaldast for alle driftsdøgn. Støygrensene gjeld all støy frå bedrifta si ordinære verksemd, inkludert intern transport på bedriftsområdet og lossing/lasting av råvarer og produkt. Støy frå bygg- og anleggsverksemd og frå ordinær persontransport av verksemda sine tilsette er likevel ikkje omfatta av grensene.

## 6 Knusing

Knusing av returasfalt og/eller returbetong blir rekna som behandling av avfall. Knusing skal skje slik at vilkåra i kapittel 30 i forskrift om begrensing av forureining (forureiningsforskrifta) blir haldne.

## 7 Rapporteringar og risikoklasse

### 7.1 Risikoklasse

Verksemda er plassert i risikoklasse 4.

### 7.2 Årleg rapportering

Bedrifta skal rapportere oppsummering av returmengder asfalt og betong inn og ut av anlegget, omfang og handtering av innslag av ulovlege fraksjonar i avfallet. Denne årsrapporten skal sendast til Statsforvaltaren innan 1. mars året etter rapporteringsåret. Skjema for rapporteringa finst på [www.Statsforvaltaren.no](http://www.Statsforvaltaren.no) under Møre og Romsdal, fram til det blir gjort tilgjengeleg i AltInn.

### 7.3 Journalføring

Det skal førast **dagleg oversikt (loggbok)** over kva for mengder som blir mottatt og passerer anlegget. Registrering av avfallet skal skje **på vekt**. Av loggboka skal det gå fram mengder og leveringsstader/bruksformål.

## 8 Forsikring

Bedrifta skal sørge for å ha tilstrekkeleg forsikring for det erstatningsansvaret den måtte pådra seg i si avfallsverksemd. Forsikringa må blant anna omfatte skade på person(ar), utstyr samt utgifter til opprydding, sanering og godkjent disponering. Forsikringa skal også dekke kostnader for utgifter knytt til eventuelt opphøyr av eige føretak.

## 9 Nedlegging

Dersom eit anlegg blir nedlagt eller ei verksemd stansar for en lengre periode, skal eigaren eller brukaren gjere det som til ei kvar tid er nødvendig for å motverke forureiningar. Dersom anlegget eller verksemda kan føre til forureiningar etter nedlegginga eller driftsstansen, skal det i rimeleg tid på førehand gjevast melding til Statsforvaltaren.

Ved nedlegging eller stans skal mottaket sørge for at lagra returafalt og returbetong blir tatt hand om på ein forsvarleg måte (jf. avfallsforskrifta). De tiltaka som blir treffe i denne samanhengen, skal rapporterast til Statsforvaltaren innan 3 månader etter nedlegging eller stans. Rapporten skal innehalde dokumentasjon på disponering av restar av avfall og namn på dei verksemdene som har overtatt avfallet.

Dersom det er ønskje om å starte verksemda på nytt, skal det gjevast melding til Statsforvaltaren i god tid før start er planlagt.

## **10 Inspeksjonar**

Bedrifta pliktar å la representantar for forureiningsmyndigheita, eller dei disse gir mynde, inspisere anlegga til ei kvar tid.